

International Institute of Christian Ministries

PeV 103

**MITARIKA NY OLONA  
HO AMIN'NY FANAPAHAN-  
KEVITRA**

Nomanin'i  
Jonathan Kuntaraf, Tale Mpanampy  
Sampana Sekoly Sabata/Asa Fitoriana  
Foibe Maneran-tanin'ny Fiangonana Advantista Mitandrina ny Andro fahafito  
12501 Old Columbia Pike  
Silver Spring, Maryland 20904-6600

## **FIJOROANA VAVOLOMBELONA**

### **HAHAZOANA FANAPAHAN-KEVITRA**

Ny famantarana anankiray momba ny fahantomoran'ny fiverenan'i Kristy izay tsy dia jerena loatra dia ny hamaroan'ny lehilahy sy vehivavy mijanona ao amin'ny lohasahan'ny fanapahan-kevitra. Tsy zava-baovao ny mandre olona miteny hoe, "Raha misy izay hanatonako fiangonana dia any amin'ny fiangonana advantista mitandrana ny andro fahafito izany." Matetika, izy ireo dia olona nanao fianarana Baiboly na nanana fifaneraserana tsara tamin'ny fampianarantsika. Mino ny hafatra entintsika izy ireo, nefa tsy nandray fanapahan-kevitra manokana hanaiky izany sy ny Kristin'ilay hafatra. Ny mpaminany Joela dia nilaza fa ny tsy fanapahan-kevitra dia iray amin'ireo famantarana ny andro farany.

#### **• Joel 4:14**

"Vahoaka mireondreona eo amin'ny lohasaha fitsarana (amin'ny Baiboly teny anglisy « *valley of decision* » na lohasaha fanapahan-kevitra)

### **I. AFAKA MANANTENA FANAPAHAN-KEVITRA ISIKA!**

**A. Ny teny fikasany,** « Rehefa manolo-tena tanteraka amin'Andriamanitra isika, ary eo amin'ny asantsika manaraka ny toro-marika avy Aminy isika, dia manao ny tenany ho tompo'ndraikitra ny amin'ny fanatanterahana izany Izy » **COL**, p. 363.

**B. Ny fanampiana ny olona hanapa-kevitra** hanao zavatra momba ny fahamarinana nianarany sy nekeny dia matetika no ampahany sarotra indrindra amin'ny fitaomana fanahy. Maro ny olona voasarika hianatra ny tenin'Andriamanitra, hino ny fahamarinana izay voambara, nefa tsy manao na inona na inona mihitsy hitondra ny fiainany hifanaraka amin'ireny fampianarana ireny.

**C. Ny fitaomana ny olona hanapa-kevitra** ho amin'ny zavatra iray dia matetika no tsy mamim-bahoaka, tsy ankasitrahana eo amin'ny fiaraha-monina, ary loza mananontanona ho an'ny fiadanany ara-bola, koa dia andraikitra tsy mora velively. Izany, raha ny marina, dia siansa sady ampahany lehibe iankinan'aina ambony indrindra eo amin'ny fitaomana fanahy. Ny fitsipika sy ny teknikan'io siansa io dia dinihina amin'ity fizarana ity.

#### **D. Toro-marika vitsivitsy:**

1. "Ilaina indrindra ny fanatonana akaiky kokoa ny olona amin'ny alalan'ny ezaka ataon'ny tena manokana"

Raha kely kokoa ny fotoana omena ny toriteny ary betsaka kokoa ny fotoana laniana amin'ny asa fanompoana ataon'ny tena manokana, dia vokatra bebe kokoa no ho hita...

- arahin'ny herin'ny fandresen-dahatra, ny herin'ny vavaka, ny herin'ny fitiavan'Andriamanitra, dia tsy afaka ny tsy hitondra vokatra amin'ny ho avy sy ankehitriny io asa io » **MH.**, pp.143, 144.

2. “Misy lalàna lehibe mifehy ny tontolon’ny zava-boary, ary ny zavatra ara-panahy koa dia fehezin’ny fitsipika azo antoka mitovy amin’izany. Ny fitaovana natao hahatrarana ny zava-kendrena iray dia tsy maintsy ampiasaina raha tiana ho tratra ny vokatra irina.” *9T*, p. 221.

#### **E. Tsy maintsy manao tahaka an’i Kristy isika**

1. Tia ny olona Izy, nifangaro taminy toy ny anankiray izay mitady ny hanasoa azy ireo.

2. “Nahatratra ny fon’ny vahoaka Izy satria nandeha teo anivony toy ny olona izay maniry ny soa ho azy ireo. Notadiaviny teny an-dàlambe izy ireo, tany an-tranon’ny tsirairay, teny ambony sambo, tao amin’ny synagoga, teny amoron’ny farihy sy tao amin’ny fanasana fampakaram-bady. Nihaona taminy teo amin’ny asa niantsoana azy andavan’andro Izy, ka nanehoany fa nahaliana Azy ny asa aman-draharahany ara-nofo... Nanampy tamin’ny fahazoana ny fo ny firaisam-po matanjaka tao Aminy.” *IFM*, p.146 (*DA.*, p. 151).

#### **F. Ny mpitaona fanahy dia tsy maintsy manana ho an’ny tenany ny fanandramana tena izy**

1. Tsy maintsy mahafantatra an’i Kristy izy mba hanehoany Azy amin’ny hafa.  
Asa 3:6; Sal. 51:10-13.

2. Miaina tahaka ny fiainan’i Kristy.

a. Mamaky ny Baiboly mba hahazoana hery. Vakio Jaona 5:39.

b. Mifandray amin’Andriamanitra amin’ny alalan’ny vavaka. 1 Tes. 5:17 —  
“Mivavaha ka aza mitsahatra.”

c. Mankato ny sitrapony. 1 Jaona 3:21, 22.

(1) Nilaza Davida nanao hoe, « Mandeha faingana aho ... amin’ny fitandremana ny didinao. » (Salamo 119:60)

## **II. TEKNIKA SY FOMBA FANATONANA IZAY MANAMPY EO AMIN’NY FITARIHANA NY OLONA HO AMIN’NY FANAPAHAN-KEVITRA**

### **A. Hevitra hahazoana fanapahan-kevitra**

1. *Aoka ho tsara fanahy.* Mifanakaloza hevitra ny amin’ireo endriky ny fahamarinana izay azonareo itoviana hevitra.

“Raha mitahiry ny fony hisandratra amin’ny vavaka ny mpiasa, dia hanampy azy Andriamanitra hiteny ny teny tandrify amin’ny fotoana mety.” *GW*, p. 120.

“Aoka hiombon-kevitra amin’ny olona amin’ny zavatra rehetra eo amin’izay azonao anaovana izany amin’ny fomba tsy miovaova.” *Ev.*, p. 141.

2. *Aoka handinika tsara.* Diniho ireo mpanondro izay maneho ny firehan’ny eritreritra. Ampio ilay olona hanorina ny fehin-keviny manokana. Tsarovy fa manorina tetezana hianao, ary noho izany dia tariho sy atsangano tsirairay ny antonta amin’izany.

“Mipetraka amin’ny mpitandrina ny andraikitra masina handinika/hiambina ireo fanahy toy ny anankiray izay tsy maintsy hampamoahina ny amin’izany. Tsy maintsy maneho fahalianana amin’ireo fanahy iasany izy, amin’ny fitadiavana izay zavatra mahavery hevitra sy manelingelina azy ireo ary misakana azy tsy handeha amin’ny fahazavan’ny fahamarinana.” *G.W.*, Pp. 190,191.

3. *Aoka ho mahitsy sy mivantana.* Mirosoa mahitsy ho amin’ny tanjona kendrenao. Ialao izay mety ho resaka miolikolika sy misafelipelika. Hazony ny firosoan’ny eritreritr’ily olona mankany amin’ny tanjona. Nefa aza mandeha haingana loatra.

« Ny tsiambaratelon’ny fahombiazantsika sy ny herintsika amin’ny mahavahoaka antsika misolovava ny fahamarinana nambara dia ho hita ao amin’ny fanaovana antso manokana mivantana amin’ireo liana.” *EDW., Review & Herald*, August, 1892.

“Impiry impiry moa ny saina no taitra/mifoaha amin’ny hery impolo heny amin’ny alalan’ny antso ataon’ny tena manokana noho ny karazana asa hafa rehetra.” *EGW., Letter 95*, 1896

4. *Aoka ho tsara fanahy sy manaja olona.* Tsarovy fa Jesosy dia nanaja olona hatrany. Tsy nanonona na oviana na oviana teny maneho haratsiam-panahy Izy. Isamaraina dia nomena ny lelan’ny efa mahay Izy (Isaia 50:4).

“Hainy ny ‘nanao teny hampahatanjaka ny reraka’; fahasoavana no nitosaka avy teo amin’ny molony mba hahazoany manolotra amin’ny olona ny haren-tsarobidin’ny fahamarinana amin’ny fomba mahasarika indrindra.” *IFM*, p. 257 (*DA.*, p. 254).

“Amin’izay rehetra lazainao dia ametraho ny fiainan’i Kristy.” *Ev.*, p.175

“Apetraho ao amin’ny feo ny halemem-panahy rehetra sy fitiavana rehetra azo atao tahaka ny an’i Kristy.” *Ev.*, p. 174.

5. *Aza miady hevitra na oviana na oviana.* Mety hahazo fandresena amin’ny ady hevitra nefa tsy hahazo an’ily olona. Ny mpivarotra mahay dia tsy miady hevitra na oviana na oviana. Ary ny evanjelista dia tokony ho mpivarotra mahay.

“Satana dia mitady mandrakariva hampisy akony amin’ny alalan’ny famelezana mahery vaika; nefa Jesosy dia mahita lâlana ho any amin’ny saina amin’ny

alalan'ny fikambanana mahazatra azy ireo indrindra. Kely dia kely araka izay azo atao no anakorontanany ny fizotra mahazatra ny sainy ” Ev., p. 140

6. *Miatrika fanoherana amin'ny alalan'ny Soratra Masina*. Jesosy dia nanohitra fonjan-kevitra tamin'ny Fariseo, ary ny fakam-panahin'ny devoly tamin'ny fitanisana ny tenin'Andriamanitra. Tamin'ny fihaikana vaovao rehetra dia afaka namaly Izy fa « Voasoratra hoe ». Ary isika koa dia hahita ny herintsika ao amin'izay nahitan'ny Mpamonjy izany. “Ny fanoherana dia azo toherina tsirairay amin'ny « izao no lazain'ny Tompo » EGW., *Latter* 95, 1896.

7. *Ny tantara ara-Baiboly* dia fototra mahagaga ho an'ny antso ho an'ny fo. Rehefa niatrika ny tena fanapahan-keviny i Rebeka, dia nihaino ny antson'Andriamanitra tetsy andaniny ary nandre ihany koa ny fisintonana voajanaharin'ny tokantrano nahabe tetsy ankilany. Fotoana sarotra teo amin'ny fiainany izany ary tsy fanapahan-kevitra mora noraaisina. Nefa tamin'ny farany dia niteny tamin-kerim-po izy nanao hoe « Handeha aho ». Izany fanapahan-kevitra izany dia nametraka azy teo amin'ny tetiarana nipoiran'ny mpanjaka.

## **B. Araho ny dingana ampiasain'ny mpamboly**

1. Manomana ny tany.
2. Manampy zezika sy masom-boly.
3. Mamboly ny tany.
4. Rehefa izany Andriamanitra dia handefa ny tanamasoandro sy ny orana – ny Fanahy Masina.
5. Dia tonga ny fijinjana. Aza miezaka hijinja voa mbola maitso!

## **C. Fitsipika eo amin'ny fahazoana fanapahan-kevitra**

Amin'ny fomba ahoana no hahatonga antsika hahomby kokoa eo amin'ny fitarihana lehilahy sy vehivavy hanao fanapahan-kevitra mety ho an'i Kristy sy ny hafany? Ireto misy fitsipika vitsivitsy ho tadidiana ao an-tsaina:

1. Manontania fanapahan-kevitra momba ny fitaovana naseho amin'ny fiafaran'ny fianarana tsirairay. Tsy azo tanterahina ny hanantena fanapahan-kevitra mety amin'ny famaranana ny fianarana raha tsy nahazo fanapahan-kevitra miandalana isaky ny dingana nandritra ny lalana rehetra nandalovana.
2. Amporisiho ny mpianatrao hanao fampiharana ny asa vaovao tsirairay arakaraka ny amelabelarana azy. Ny fahazavana tsy arahina dia hivadika ho haizina indray.
3. Aza manontany fanapahan-kevitra lehibe mandra-pahatongan'ny mpianatrao hahazo fahalalana ampy hahazoany hanao fanapahan-kevitra hendry.

4. Miantsoa fanapahan-kevitra rehefa mahita soritra mazava ny amin'ny faharesen-dahatra hianao. Mianara hamantatra ireo fambaran'ny fanapahan-kevitra toy ireto manaraka ireto:

- a. Moa ve aho tsy maintsy mitsahatra amin'ny fijerena sarimihetsika?
- b. Dia ahoana raha tsy manaiky ahy handoa ampahafolony ny vadiko?
- c. Dia ahoana raha tsy mahazo alalana tsy hiasa Sabata aho?
- d. Inona no ho lazain'ny mpifanolo-bodirindrina?

Ny tsirairay amin'ireo fanontaniana ireo dia maneho fa nibanjina fanapahan-kevitra iray ilay olona ary efa mandinika izay ho vokatr'izany fanapahan-kevitra izany. Izany no fotoana anontaniana fanapahan-kevitra.

5. Manontania fanapahan-kevitra miorina amin'ny safidy amin'ny zavatra anankiroa: “Mikasa hanao batisa izahay ny faha-15 sy 29. Iza amin'ireo no mety kokoa aminao?”

6. Manampoiza fanapahan-kevitra tsara.

7. Farito ireo sakana manokana ho amin'ny fanapahan-kevitra.

8. Esory ireo sakana

9. Manontania fanapahan-kevitra

### **III. ATAOVY IZAY HAHAZOANA ANTOKA NY FANOLORAN-TENA AMIN'I KRISTY MIALOHA NY HANEHOANA NY FOTO-PINOANA SY NY FAHAMARINANA ITSAPANA HEVITRA**

**A. Mametraha fanontaniana mety amin'ny fotoana mety.** Angamba mifandray amin'ny fanambadiana.

**B. Toro-hevitry ny Fanahin'ny Faminaniana:**

1. “Ento eo amin'ny faritra handraisana fanapahan-kevitra izy ireo. Asehoy azy ny maha-zava-dehibe ny fahamarinana; iankinan'ny aina izany, na ho fiainana na ho fahafatesana. Amin'ny zotom-po dia sariho avy ao anaty afo ireo fanahy.” *LT*, p. 152.

2. “Maro no resy lahatra ny amin'ny fahotana, ary mahatsapa ny ilàny Mpamonjy hamela heloka ... Raha tsy voalaza amin'ny fotoana maha-mety azy ny teny hiantsoana fanapahan-kevitra avy amin'ny vesatry ny soritra mazava miseho, dia mandalo fotsiny ilay olona resy lahatra fa tsy mampitovy ny tenany amin'i Kristy ; lasa ilay fotoana mety volamena, ary tsy nanolo-tena izy, fa lasa niala lavitra kokoa ny fahamarinana.” *Evangelism*, page 283.

a. ‘Tsy mahazo hianareo satria diso fangataka’ Jakoba 4:2.

**C. Ny famonjena amin’ny fotoana ankehitriny.**

« Anio, raha hihaino ny feony ianareo, aza manamafy ny fonareo » (Hebreo 3:15)

“Indro, ankehitriny no andro fankasitrahana; indro, ankehitriny no andro famonjena; »  
(2 Korintiana 6:2)

“Maro amin’izay manantena sy maniry fotsiny ho tonga kristiana no ho very. Tsy mbola tapa-kevitra hanolotra tanteraka ny sitrapony ho an’Andriamanitra izy. Tsy mbola nifidy ny ho tonga kristiana izy.” *DHK*, p. 57.

**IV. FITSIPIKA FOTOTRA**

**A. Fantaro ireo fiasan’ny fandraisana fanapahan-kevitra izay misy dingana telo.**

1. Fahalianana – tsy maintsy fohazina, halalinina, ary tohanana isaky ny fianarana.  
(zava-dehibe ny fitohizan’ny fianarana).

2. Faharesen-dahatra – tanterahin’ny Fanahy Masina rehefa aseho ny tenin’Andriamanitra.

a. Ny fahamarinana dia tsy maintsy aseho amin’ny fomba mamy mitondra ho amin’ny faharesen-dahatra, mampahafantatra ny sitrapon’Andriamanitra amimpitiavana.

b. Ilaina ny fahatsapana ireo famantarana faharesen-dahatra mba hahafantarana ny fotoana hanaovana antso.

3. Fanapahan-kevitra – tsy maintsy ho safidy manokan’ily olona miaraka amin’ny fanampian’izay miasa aminy.

a. Tsy azon’ny mpiasa atao ny fanerena – aza manosika na miady hevitra - mitariha.

b. Ilaina ny vavaka betsaka sy ny fitandremana manokana mandritra ny fotoana saro-pady indrindra.

**B. Ataovy miandalana ny fanapahan-kevitra amin’ny fanaovana antso isaky ny fampianarana.**

1. Ataovy fahazarana ny mamaly ny fahamarinana amin’ny fiantsoana fanapahan-kevitra tsotra.

2. Mametraha fanontaniana ho toy ny fitaovana hahazoana valiny avy amin'ny fanehoana ny fahamarinana.

3. Manaova fandaminana ny loha-hevitra miaraka amin'ny fanapahan-kevitra miandalana ao an-tsaina, sy fihetsika araka ny tokony ho izy izay tokony ho raisina mazava avy amin'ny Soratra Masina.

4. “Nahita aho fa rehefa naseho ny fahamarinana, dia tokony atao amin-kery sy amin'ny Fanahy. Tariho ny olona ho eo amin'ny faritra handraisana fanapahan-kevitra. Asehoy azy ny maha-zava-dehibe ny fahamarinana – iankinan'ny aina izany. Amin-jotom-po dia sariho avy ao anaty afo ireo fanahy.” 1 T, p. 152.

### **C. Fantaro ny fotoana voakasiky ny fanapahan-kevitra.**

1. Tsy maintsy manao antso ho amin'ny fanapahan-kevitra rehefa tonga ny faharesen-dahatra.

2. ‘Rehefa tsy voataona ho amin'ny fanapahan-kevitra amin'ny vanim-potoana aloha indrindra araka izay azo atao ny olona ao anaty faharesen-dahatra, dia misy loza mety hahatonga izany faharesen-dahatra izany hihena tsikelikely.” *Evangelism*, p.298.

3. Asan'ny Fanahy Masina ny mandresy lahatra ny fanahy ny amin'ny ilàny an'i Kristy. Maro ireo resy lahatra ny amin'ny fahotana ary mahatsapa ny filàny Mpamonjy hamela ny helony; nefa afa-po fotsiny amin'ny fikendrena tanjona, koa raha tsy misy fampiharana feno fanapahan-kevitra ny amin'ny fahamarinana ao am-pony, raha tsy voalaza amin'ny fotoana mahamety azy ny teny hiantsoana fanapahan-kevitra avy amin'ny vesatry ny soritra mazava miseho, dia mandalo fotsiny ilay olona resy lahatra fa tsy mampitovy ny tenany amin'i Kristy ; lasa ilay fotoana mety volamena, fa tsy nanolo-tena izy, ary lasa miha-manalavitra kokoa ny fahamarinana izy, lavitra an'i Jesosy ary tsy miandany na oviana na oviana amin'ny Tompo.” Ev.:283.

4. Tsy ny olona rehetra no tonga amin'ny faharesen-dahatra eo amin'ny toe-javatra mitovy.

### **D. Asehoy Jesosy ho toy ny Anankiray Izay miantso ny fanapahan-keviny.**

1. ‘Mitenena amin'ny fanahy tandindomin-doza ary taomy izy hijery an'i Jesosy eo ambony hazo fijaliana maty mba hahatonga Azy ho afaka hamela ny helotsika.” 6T, p.67.

2. Ny fanekena an'i Kristy dia tena zava-dehibe tokoa ho an'ny fanapahan-kevitra lehibe rehetra.

3. Ialao ny fanehoana ny fiangonana na ny tenanao manokana ho toy ny miantso fanapahan-kevitra.

### **E. Ampiasao ny Soratra Masina ho fototry ny antso rehetra.**



1. Aoka hitandrina tsara ny amin'ny fomba ampiasanao ny Tenin'Andriamanitra, satria io Teny io dia natao hitondra fanapahan-kevitra eo amin'ny olona. Aoka ny Tenin'Andriamanitra no hanapaka fa tsy ny teninao.” *Ev.:300*.

2. Ny antso mazava avy amin'ny Soratra masina dia mitondra hery lehibe.

3. Aoka hitandrina tsara mba tsy hanao fampiharana tsy azo antoka avy amin'ny Soratra Masina.

**F. Aoka tsy hanakatom-baravarana na oviana na oviana amin'ny famonjena fanahy iray.**

1. Mety miandry ny Fanahy Masina mba hitondra faharesen-dahatra amin'ny toe-javatra mahamety azy kokoa.

2. Mety tsy mbola azon'ilay olona loatra ny loha-hevitra resahina.

3. Aoka hanao ny olona ho tonga sakaizan'Andriamanitra fa tsy fahavalony.

**G. Manehoa fahatsapana ny tolona ataon'ilay olona ary ampio izy amin'ny fiahiana manokana.**

**H. Fototry ny antso ho amin'ny fanapahan-kevitra**

1) Asehoy fa zavatra iankinan'ny aina izany.

2) Asehoy an-tsary ny fitiavan'Andriamanitra.

3) Asehoy ny loza ateraky ny fangatahan'andro.

4) Aoka ho hizingizinina ny fanapahan-kevitra ny isam-batan'olona mba hahazoana antoka ny famonjena.

5) Tsindrio ny hery miasa manginan'izy ireo eo amin'ny havany sy ny namany.

6) Tondroy fa sokajin'olona roa ihany no hisy amin'ny farany.

7) Aoka ho hizingizinina fa Kristy no ohatra ho antsika.

8) Omeo toky izy ny amin'ny fikarakaran'Andriamanitra sy ny fiahiany.

9) Aoka ho hizingizinina ny amin'ny fanekena an'i Kristy.

10) Tantarao ny fanandramanao manokana.

11) Soritsorito amin'ny fomba mazava sy tena misy aina ny fandresen'ny fahamarinana.

12) Tsindrio fa manome hery izany atao hoe kristiana.

13) Anontanio hoe, "Aiza no kasainao handaniana ny mandrakizay?"

14). Aza mora kivy. Mety tsy hahazo fanapahan-kevitra tsara hianao amin'ny fotoana anontaniana izany voalohany indrindra. Anontanio fanindroany. Izany dia tahaka ny fangatahana fanambadiana. Ny fanapahan-kevitra dia mitombo avy amin'ny fifandraisam-pifankatiavana.

## **I. Sehatry ny fanapahan-kevitra**

Misy *sehatra fatora efatra* ho an'ny fanapahan-kevitra eo amin'ny fitarihana ny olona ho amin'ny fanoloran-tena:

1) KRISTY – ny fanapahan-kevitra hanaiky an'i Kristy ho Mpamonjy ny tena manokana.

2) SABATA – ny fanapahan-kevitra hitandrina ny didin'Andriamanitra rehetra.

3) FANAVAOZANA – ny fanapahan-kevitra momba ny fitsipika ara-pahasalamana, ny filamatra krisitana, sns...

4) FAHATONGAVANA HO MAMBRA – ny fanapahan-kevitra hiala avy ao Babylona ka hikambana amin'ny fiangonana sisa

.

## **J. Fanampiana eo amin'ny fandraisana fanapahan-kevitra.**

1) VAVAKA : Mivavaha miaraka amin'ilay olona sy ho azy. Ampianaro izy hivavaka, satria ahoana no ahazoana manantena azy ireo hanao ny fanapahan-kevitra mety raha tsy mahay mivavaka izy?

2) TENY FIKASAN'NY BAIBOLY : Tariho izy ireo hitaky ny teny fikasan'Andriamanitra hanome izay ilainy amin'ny fomba manokana. Ampianaro izy ireo hitady ireny teny fikasana ireny ao amin'ny Baiboly.

3) FIJOROANA VAVOLOMBELON'NY TENA MANOKANA : Raha misy olona miady amin'ny sigara, dia asao ny mambra anankiray ao aminareo izay zatra nifoka sigara teo aloha mba hanao fijoroana vavolombelona.

Hanampy be dia be koa ny fijoroana vavolombelona amin'ny sehatra hafa toy ny olana momba ny asa Sabata, ny ampahafolony, ny fanoheran'ny fianakaviana, sns...

## **V. AHOANA NY FOMBA FANOMANANA OLONA HO AMIN'NY BATISA.**

Ny mambra laika matetika dia mahatsapa fa ny pasitora ihany no tena afaka manomana olona ho amin'ny batisa. Tsy marina izany. Ny mambra laika tsirairay avy izay manana fanandramana ao amin'i Kristy, sy fahalalana fitsipika fototra sasantsasany, ary afaka mampiasa fitaovana ho fanomanana ho amin'ny batisa dia afaka manomana olona ho amin'ny batisa sy ho tonga mambran'ny fiangonana.

Eo amin'ny fanomanana olona iray ho amin'ny batisa dia aoka hatao ao an-tsaina izao manaraka izao:

**A) Aoka ho azo antoka** fa tena nanaiky an'i Kristy ho Mpamonjy ny tenany manokana ilay olona, ary fantany :

1. fa Kristy dia ao amin'ny fiainany
2. fa voavela ny helony.

**B) Aoka ho azo antoka** fa efa nataonao tamim-pitandremana araka izay azo atao ireo fampianarana lehibe an'ny Fiangonana Advantista Mitandrana ny Andro Fahafito. Izany dia azo atao amin'ny alalan'ny drafitra fanomezana Baiboly na fomba hafa fampianarana Baiboly, amin'ny alalan'ny fianarana Baiboly an-taratasy ifandefasana, na amin'ny fivoriana hafa fitoriana ny Filazantsara.

**C) Aoka ho azo antoka** fa nandresy ny alikaola, ny paraky, na fahazarana hafa mampiankin-doha ilay olona. Anontanio amim-pahalemam-panahy nefa amin'ny fomba mivantana:

1. Oviana izy no nifoka sigara farany?
2. Mampiasa paraky amin'ny endrika hafa ve izy?

**D) Anaovy famerenana ireo fampianaran'ny fiangonana.** Ho an'ny olona izay nahavita ny andiana fampianarana feno dia mety ho azo atao izany ao anatin'ny famerenana fohy in-droa na in-telo miantoana.

Izany dia hanampy anao hahafantatra raha misy olana, fanontaniana, na fahadisoan'ny fahatakarana. Raha misy loha-hevitra tsy azo loatra, dia hazavao amin'iny fotoana iny na manokàna fotoana fianarana manokana hanazavana izany. Afaka mampiasa ny anankiray amin'ireto manaraka ireto hianao hanampy amin'ny famerenana ny fianarana ho amin'ny batisa:

1. Ny karatra batisan'ny fiangonana. Mangataha dika mitovy avy amin'ny pasitora. Arakaraka ny irosoana amin'ny loha-hevitra tsirairay dia anontanio raha mazava izany loha-hevitra izany ary koa raha mino izany ilay olona.

2 . « Eo am-panarahana ny Dian-tongony » (*“In His Steps”*), tari-dàlana ho fanomanana olona ho amin’ny batisa dia misy ao amin’ny *Adventist Book Center*.

**E) Rehefa voafaritra fa nanaiky an’i Kristy** ny olona iray ary mifanaraka tanteraka amin’ny fampianaran’ny fiangonana, dia manaova toy izao manaraka izao:

*“Tsy misy na inona na inona intsony izao misakan-dàlana anao tsy hatao batisa sy hikambana ho anisan’ny fiangonana, sa tsy izany? Nikasa hanao batisa izahay amin’ny faha dimy ambin’ny folo na fahasivy ambin’ny roapolo ho avy izao. Iza amin’ireo no mety kokoa aminao?”*

Andraso ny valiny ary mitenena hoe, *“Andeha isika hiaraka hivavaka mandohalika ary hisaotra an’Andriamanitra ny amin’ny fomba nitarihany anao ho amin’izao fanapahan-kevitra mahafaly izao »*

**F) Amin’izay fotoana izay dia azonao atao** ny maniry hanasoniavan’ily olona ho tonga mambra ny fanekena ao an-damosin’ny karatra – rehefa avy novakiany sy nekeny.

**G) Ary ankehitriny**, miaraka amin’ny vavaka fisaorana, dia antsoy ny pasitora ary asao izy hitsidika ilay olona miaraka aminao. Fientanentanana manao ahoana re ny anao amin’izany e!

**H) Ny batisa dia zavatra matotra**

“Ny fanomanana ho amin’ny batisa dia zavatra mila fiheverana amim-pitandremana fatratra. Ireo olona vao niova fo ho amin’ny fahamarinana dia mila ampianarina amim-pahatokiana ny amin’ny « Iza no lazain’i Jehovah » mazava tsara. Ny tenin’Andriamanitra dia natao mba ho vakiana sy hazavaina an-tsipiriany. Ny fitsapana ny maha-mpianatra dia tsy entina akaiky toy ny atao amin’ny olona izay miseho ho amin’ny fiomanana amin’ny batisa. Rehefa maneho soritra mazava izy ireo fa mahafantatra tsara ny toerana misy azy dia natao ho ekena izy ireo. ***Evangelism, p. 308***

## **VI. NY SIANSAN’NY FAHAZOANA FANAPAHAN-KEVITRA**

**A. Ny siansan’ny fahazoana fanapahan-kevitra** dia ny fampiharana araka ny tokony ho izy ireo lalàna notendren’Andriamanitra, na fitsipika, izay mifehy ny asan’ny saina sy ny fo amin’ny famaliana ny antson’Andriamanitra ho amin’ny fankatoavana.

**B. Ny ilàna ny teny tena tandrify**

« Jehovah Tompo nanome Ahy ny lelan’ny efa mahay, mba hahaizako (*fomba fiasa*) manao teny (*izay lazaina*) hampahatanjaka izay reraka (*amin’ny fotoana ilazana azy*) ; ampandrenesiny isa-maraina isa-maraina, eny, ampandrenesiny ny sofiko hihaino

tahaka ny efa mahay. Jehovah Tompo nanokatra ny sofiko, ary Izaho tsy naditra na nihemotra (*karazan'olona tahaka an'i Jesosy*) » (Isaia 50: 4, 5)

### **C. Fianarana ny amin'ny fomba fiasan'ny saina**

1. Ny mpitory ny filazantsara rehetra dia mila mahafantatra amin'ny fomba sarobidy ny fiasan'ny saina eo am-panaovana fanapahan-kevitra tsara. Zava-dehibe fototra izany eo amin'ny fahazoana fanapahan-kevitra. Izany dia voatondro ao amin'ny toro-hevitry ny Fanahin'ny Faminaniana:
2. Mba hahazoana fanahy ho an'i Jesosy dia tsy maintsy misy ... fianarana momba ny sain'olombelona.” 4T:67.
3. “Misy lalàna lehibe mifehy ny tontolon'ny zava-boary, ary ny zavatra ara-panahy koa dia fehezin'ny fitsipika azo antoka mitovy amin'izany. Ny fitaovana natao hahatrarana ny zava-kendrena iray dia tsy maintsy ampiasaina raha tiana ho tratra ny vokatra irina.” 9T 221

### **D. Dingana eo amin'ny fanaovana fanapahan-kevitra**

1. Fahalalana
2. Faharesen-dahatra
3. Faniriana
4. Asa

### **E. Fahalalana, Faharesen-dahatra, Faniriana mitarika ho amin'ny fanapahan-kevitra**

1. Ny fanapahan-kevitra dia voatenona avy amin'ny fiaraha-miasan'ny fahalalana, sy ny faharesen-dahatra ary ny faniriana ao amin'ny sain'ny olona iray. Marina izany ara-tSoratra Masina sy ara-tsiansa. Rehefa mahatratra ny hamafiny amin'ny fatra manokana ny fahalalana ananan'ny olona iray, sy ny faharesen-dahatra ao aminy ary ny faniriany mikasika loha-hevitra anankiray, dia mifindra ho amin'ny fanapahan-kevitra sy ny asa ny saina momba izany.
2. Satria ny fahalalana, sy ny faharesen-dahatra ary ny faniriana no mitarika ho amin'ny fanapahan-kevitra, ny toriteny sy ny fianarana Baiboly ary ny resaka manokana kosa dia tokony ho toe-javatra miara-manenona amim-pahakingana ny faniriana sy ny faharesen-dahatra mikasika ny zavatra anankiray. Izany dia ilaina mba hitondra ny fiaraha-miasa takiana amin'ny fahalalana, sy ny faharesen-dahatra ary ny faniriana ho amin'ny fanekena, sy fanapahan-kevitra ary ny asa.
3. Rehefa mandinika andalan-tsoratra sasantsasany isika, dia mahita fa ny sasany dia voatondry amin'ny fomba manokana hitondra fahalalana, ny sasany hitondra faharesen-dahatra, ary ny sasany ihany koa hitondra faniriana. Ary matetika io andalan-tsoratra iray io ihany dia manana ao aminy ireo zavatra telo ireo. Ilaintsika ny mifantoka

amin'ireny andalan-tsoratra ireny izay hamboly ny faharesen-dahatra ary miaraka amin'izay koa ny faniriana hanaiky sy hanaraka ireo foto-kevitra lehibe omen'Andriamanitra rehefa maneho azy ireny eo amin'ny fampianarana Baiboly ataontsika amin'ny mpianatra isika.

#### **F. Ny Fomba fiasan'ny saina**

Fahalalana/fampahalalana: Manangona zava-misy momba ny fanapahan-kevitra tokony hatao. Ilaina ny fahalalana/fampahalalana araka ny tokony ho izy, nefa misy olana anankiroa:

1. Fahalalana/fampahalalana tafahoatra
2. Tsy fanomezana valiny efa voalahatra

« Izay ilainao dia ny hahafantatra ny tena herin'ny sitrapo. Izany no hery mibaiko eo amin'ny toetran'olombelona, dia ny herin'ny fanapahan-kevitra, na ny herin'ny safidy. Miankina amin'ny herin'ny sitrapo ny zavatra rehetra » (*Ny Dia ho eo amin'i Kristy*, p. 47).

#### **G. Fandresena ny olan'ny fahalalana/fampahalalana tafahoatra**

1. Asehoy miandalana ny fahamarinana entina hitsapana. Raha azo atao dia aza maneho fahamarinana vaovao telo na efatra mifanesisesy ao anatin'ny herinandro iray.
2. Vangio any an-tranony avy hatrany ireo olona aorian'ny fanehoana ny fahamarinana entina itsapana mba hanazavana ireo fanontaniana lehibe mety hisy.

#### **H. Fomba roa hialana amin'ny tsy fanomezana valiny efa voalahatra :**

1. Manaova antso miverimberina amin'ny fotoana mitovy, ahitana fananganan-tàna, fandohalehana, fitsanganana ary antso mankeny aloha.
2. Mampiasà matetika karatra misy valim-panontaniana.

#### **I. Ny Antso mivantana ataon'ny tena manokana mifandray amin'ny Fahalalana, ny Faharesen-dahatra ary ny Faniriana.**

1. Ny asa mahomby ataon'ny tena manokana dia mifototra amin'ny fifikirana amin'ny fitambarana foto-kevitra avy amin'Andriamanitra, na ny lalàna ara-panahy.

Ny anankiray anisan'ny manan-danja indrindra dia ny antso mivantana ataon'ny tena manokana. Izany no tsiambaratelon'ny fahombiazana eo amin'ny firaharahana ireo olona liana.

2. 'Ny tsiambaratelon'ny fahombiazantsika sy ny herintsika amin'ny maha-Vahoaka antsika misolo vava ny fahamarinana ambara dia ho hita ao amin'ny fanaovana antso

mivantana ataon'ny tena manokana amin'ireo olona liana, manana fahatokiana tsy azo hozongozonina ny Avo Indrindra.” *R.H.*, Aug.10, 1892.

#### **J. I Paoly dia nampiasa ny antso mivantana ataon'ny tena manokana.**

1. Ny iray amin'ireo ohatra tsara indrindra momba ny foto-kevitra ao anatin'io antso mivantana ataon'ny tena manokana io dia ny antson'i Paoly tamin'i Agripa, araka izay voarakitra ao amin'ny Asa 26:22-28.

#### **2. Fampiasana ny Tenin'Andriamanitra - Fahalalana**

a. Nanomana ny lalana ho amin'ny fanaovana ny antso ataon'ny tena manokana izy tamin'ny fampiasana amin'ny fomba mahomby ny Tenin' Andriamanitra. Ny antsony dia nifototra tamin'ny fampianaran'ny Soratra Masina. Asa 26:22,23.

#### **3. Fanandraman'ny tena manokana – Mamorona faniriana.**

a. Ny antso dia tokony hifandray na hivoaka avy amin'ny fanandramana sy ny fahalalan'ny tena manokana. I Paoly dia nampiasa ny fijoroana vavolombelon'ny tenany manokana ny amin'ny fomba nahitany an'i Kristy sy ny hoe inona Kristy ho azy. Inona no fihetsika nanoloana ny fijoroana vavolombelon'i Paoly?

b. “Toy ny voababon'ny hery tsy fantatra izy rehetra nihaino tamimpieritreretana fatratra ny fitantaran'i Paoly ny fanandramany mahafinaritra. Nivalampatra teo amin'ny loha-hevitra nankamamiany indrindra ny apostoly. Tsy nisy tamin'ireo izay nihaino azy no afaka nisalasala ny amin'ny fahamarinan'izay nambarany.” *Vavolombelona Mahery, 380.*

#### **4. Antso nivantana tamin'ny faharesen-dahatr'i Agripa.**

a. I Paoly dia nandefa mivantana ny antsony tamin'ny faharesen-dahatr'i Agripa, naka ny endriky ny fanontaniana. Nikendry ny hamerina ao amin'i Agripa ny fahatsapana ny andraikitry ny tenany manokana izy. Asa 26:27 (tapany voalohany).

#### **5. Mitarika ny saina ho amin'ny fehin-kevitra irina.**

a. Ny antson'i Paoly dia nofehezina tamin'ny fanehoana fa hamaly i Agripa. Asa 26:27 (tapany farany.) Izany dia antso tamin'ny fotoana mety. Tohina ve i Agripa?

b. “Nentanin'ny fihetsehampo lalina i Agripa, ka nanadino vetivety ny fisian'ireo nanodidina azy sy ny toerana ambony nananany. Niaiky ny fahamarinan'ny teny reny izy, ka tsy nisy hitany teo anatrehany intsony afa-tsy ilay mpifatotra manetry tena, ilay solontenan'Andriamanitra, ka tsy nampoiziny

akory dia niteny taminy izy hoe : « Hay! ataonao fa mora toy izany no hampanekenao ahy ho Kristiana. » (Asan'ny Apostoly 26:28). Amin'ny dikikan-teny hafa : « Efa saika resinao lahatra aho ka hiova kristiana » *Vavolombelona Mahery, 381*

#### **K. Mamboly faharesen-dahatra**

1. Fahalalana mazava – Mazava aminao ve izany?
2. Mandrehitra ny afon'ny faniriana:
  - a. Ny fiadanana anaty toy ny mifanohitra amin'ny tolona anaty (Jaona 14:27; Salamo 119:165)
  - b. Mandray ny Fanahy Masina (Asa 5:32)
  - c. Tena hasambarana (Jaona 13:17)
  - d. Fonenana any an-danitra (Hebreo 11:24)
  - e. Famelan-keloka sy fanafahana amin'ny fahatsapan-tena ho meloka (Asa 2:37–39)

#### **L. Zavatra manan-danja ahazoana fanapahan-kevitra**

1. Mametraha fanontaniana, “Mazava ve fa.....?”
2. Ampio ny mpianatra hanao fanapahan-kevitra isaky ny lesona
3. Asehoy ny tombon-tsoan'ny asa araka ny tokony ho izy
4. Tsindrio hatrany ny fitahiana azo avy amin'ny zavatra takian'Andriamanitra
5. Asehoy ny vokatra ny asa diso
6. Asehoy ny zavatra antenain'Andriamanitra Izay tia antsika
7. Tariho ny mpianatra ho amin'ny fifandraisana amin'Andriamanitra

#### **M. Antony angatahana fanapahan-kevitra haingana**

1. Mazava kokoa ny fahamarinana raha vao mbola vaovao ao amin'ny fitadidiana
2. Satana dia miasa hampivily ny saina
3. Ny faharesen-dahatra dia mety hanjavona raha tsy voatarika ho amin'ny fanapahan-kevitra amin'ny fotoana haingana araka izay azo atao



4. Ny fanapahan-kevitra dia mety hitodika amin'ny fizotrany hafa na amin'ny fiangonana hafa.
5. Ny havana na ny mambran'ny fiangonana hafa dia mety hampisavoritaka ny lohahevitra na ny fahamarinana ao an-tsaina.
6. Ny toe-javatra dia mety hametraka ny mpianatra an-koatran'ny faritra mety ho tratrano mandritra ny fotoana fohy.

**N. Ny maha-zava-dehibe ny vavaka eo amin'ny fitarihana ny olona ho amin'ny fanapahan-kevitra**

1. “Ny vavaka sy ny finoana dia hahatanteraka izay tsy ho vitan'ny hery na inona na inona eto an-tany ” *MH*, p.509.
2. “Anisan'ny drafitr'Andriamanitra ny hanome antsika, ho valin'ny vavaky ny finoana, izay zavatra nomaniny ho antsika na dia tsy mangataka araka izany aza isika” *GC*, 525
3. Manao zavatra efatra ny vavaka:
  - a. Ny vavaka dia mametraka antsika hifandray amin'ny fahendren'ny lanitra - Jakoba 1:5
  - b. Ny vavaka dia mamela an'Andriamanitra hiasa amin-kery kokoa noho izay ho nataony raha tsy nivavaka isika - Daniela 10
  - c. Ny vavaka dia mamela an'Andriamanitra hiteny amintsika momba ny fahotana ao amin'ny fiainantsika izay miasakana ny fahazoana fanahy amin'ny fomba mahomby.
  - d. Ny vavaka dia mahatonga ny faniriansika ho lalina kokoa mikasika ny zavatra ivavahantsika

4. Ny ilàna ny vavaka:

« Sanatria raha hanota amin'i Jehovah aho ka hitsahatra tsy hangataka ho anareo» (1 Samoela 12:23)

5. Vavaka ataon'ny vondrona

“Nahoana no tsy mihaona ny roa na telo ka hitalaho amin'Andriamanitra ho amin'ny famonjena ny olona iray manokana, ary avy eo ho an'ny anankiray hafa koa ?” 7 *T*, p. 21.

**O. Mampiasa ny Tenin'Andriamanitra toy ny antso mivantana ataon'ny tena manokana**

1. Tokony hampiasaintsika ireo andalan-teny izay voatendry amin'ny fomba tsara indrindra hahazoana ny vokatra irina. Natao ho tonga mpiasa feno hakingana toy ny mpahay siansa isika eo amin'ny fanatrarana ny olona amin'ny fahamarinan' Andriamanitra. See 4T:93.

2. Ohatra ny amin'ny maha-azo antoka fa azo ampiasaina ny andalan-teny sasany amin'ny antso mivantana ataon'ny tena manokana.

a. HO AN'NY FANAPAHAN-KEVITRA HO TONGA KRISTIANA:

(1) “Tiako ny mba hanamarihanao izay lazain'i Jesosy ao amin'ny Apokalypsy 3:20 - « Indro, efa mitsangana eo am-baravarana Aho ka mandondòna; raha misy mihaino ny feoko ka mamoha ny varavarana, dia hiditra ao aminy Aho ka hiara-misakafo aminy, ary izy amiko ».

Jesosy dia te-hiditra ao am-ponao ary hanamboatra ny fiainanao araka izay tokony ho izy. Irinao ve ny hanaovany an'izany ho anao, sa tsy izany? Vonona hianao ankehitriny hamoha ny varavarana ka hamela Azy hiditra, sa tsy izany?”

(2) Andalan-teny ho an'ny faniriana hanaiky an'i Kristy:  
Isaia 1 :18; Matio 11:28; Heb. 7:25; Salamo. 34:8; Rom. 5:1; Jaona 1:12; 2 Kor. 5 : 21

(3) Andalan-teny ho an'ny faharesen-dahatra hanaiky an'i Kristy:  
Asa 16:30,31; Jaona 3:16; Isaia. 53:6; Matio 16:26; Jaona 8:24; Asa 4:12.

b. HO AN'NY FANAPAHAN-KEVITRA HITANDRINA NY SABATA:

(1) Moa ve ny fitandremana ny Sabata no tanjonao amin'ny fanapahan-kevitra? Noho izany ny zavatra ambaranao avy amin'ny Baiboly dia afantohy amin'ny fametrahana eo amin'Andriamanitra ny faharesen-dahatra fa ny andro fahafito dia tokony ho tandremana sy hamasinina, ary miaraka amin'izany koa dia aoka ho fohazina ny faniriana hanaraka izany.

(2) Andalan-teny ho an'ny faharesen-dahatra hitandrina ny Sabata:  
Eks. 20:8-11; Jakoba 2:10; Lioka 6:46; Matio. 15:9; Jaona 15:14; Apok. 22:14; Isaia 48:18; 58:13,1 4; Isaia 56:1-6; Ezek. 20:12; Salamo. 40:8.

c. OHATRA:

(1) ‘Rehefa mieritreritra ny amin'ny fomba nanoloran'i Jesosy ny tenany ho anao teo amin'ny hazo fijaliana hianao, dia tsy afaka ny tsy ho tia Azy. Fantatro fa tia an'i Jesosy hianao. Indro ao amin'ny Jaona 14:15,

Jesosy miteny aminao manao hoe, « Raha tia Ahy ianareo, dia hitandrina ny didiko. » Ankehitriny hitanao fa ny anankiray amin'ny didiny dia ny hitandremana ny andro fahafito amin'ny herinandro, na ny Sabotsy, koa dia hanomboka hitandrina izany hianao satria tia Azy, sa tsy izany?"

(2) "Mba fantatrao moa ny toetra tsara anankiroa tadiavin'ny Tompo aminao sy amiko? Mariho ange izay lazainy ao amin'ny Isaia 1:19, « Raha manaiky sy mankatò ianareo, dia hihinana ny voka-tsoa amin'ny tany» Te-hanaiky sy hankato hianao, sa tsy izany?"

Koa satria efa nohazavain'ny Tompo taminao fa ny andro fahafito ihany no hany andro nohamasininy ho anao, ho tandremana, dia mazoto hanomboka hitandrina izany hianao, sa tsy izany?"

**d. HO AN'NY FANAPAHAN-KEVITRA HIKAMBANA AMIN'NY FIANGONANA SISA:**

(1) "Ny Baiboly dia nanambara mialoha fa amin'ny andro farany ny Tompo dia hanangona vahoaka manokana izay hitandrina ny didiny. Ao amin'ny Isaia 27:12 Andriamanitra dia milaza fa ho tsimponiny tsirairay izy ireny.

Tsy mba tianao ve ny ho anisan'ny hangonin'ny Tompo ho ao amin'ny fanjakany?"

(2) Andalan-teny ho amin'ny fanapahan-kevitra hikambana amin'ny fiangonan'Andriamanitra sisa: Apok. 18:4; Jaona 10:26, 27; 2 Kor. 8:12; Lioka 14:33.

**P. Tsy fahombiazana amin'ny fampiasana ny antso mivantana ataon'ny tena manokana**

1. "Fanasana ankapobeny no omena; nefa tsy ampy ny fanasana ataon'ny tena manokana sy voafaritry mazava. Raha mba maromaro kokoa ny antso ataon'ny tena manokana, dia ho maro kokoa ny fihetsika feno fanapahan-kevitra atao hanaraka an'i Kristy." *RH.*, Aug.15,1899.

**Q. Mahafantatra ny fomba hamaliana ny fanoherana – Ampiasao ity teknika ity**

1. Azoko tsara ny zavatra *tsapanao*.

2. Olona maro hafa nandalo ny toerana misy anao ankehitriny no *nahatsapa* toy izany koa.

3. Kanefa izy ireo dia *nahita* fa...

**R. Manorina ny valin-tenin'izy ireo**

1. Diniho tsara ny fotoana mety hanorenana ny valin-teny sy ny faneken'ireo mpianatrao rehefa miara-mianatra Baiboly hianareo. Tokony hiezaka isika hanodina ny

fanekenany sy ny fahalalany ho amin'ny dingana izay hitondra azy ho amin'ny fanapahan-kevitra. Izany dia ohatra iray amin'ny fampiasana ny foto-kevitra itondrana ny sain'ny olona ho amin'ny fehin-kevitra irina, amin'ny fanorenana amin'ny fomba mifandimby ny valin-teniny sy ny fanekenany, rehefa mifamaly resaka hianareo. Matetika rehefa miara-mianatra amin'ny olona anankiray, dia izy tenany ihany no manambara fa marina ny fampianarana. Marina izany

## 2. Ohatra:

- a. Mety hilaza izy manao hoe, “Hianareo dia maka ny Baiboly hanamarinana ny hevitrareo momba ny fitandremana ny andro fahafito.” Izany dia fotoana mety ho anao hamaliana manao hoe, “Faly aho fa hitanao ny fahamarinana momba ny andro marina tokony ho tandremana. Tsara ny mahafantatra ny tena fahamarinana. Fantatrao ve ny zavatra manaraka tian'ny Tompo hataonao?”

Rehefa izany dia vakio ny Lioka 11:28. « Eny tokoa, kanefa mainka sambatra aza ny mihaino ny tenin'Andriamanitra ka mitandrina izany. »

Avy eo dia milazà hoe, “Mariho fa Jesosy dia manonona ny fiangaviany amin'ireo izay mandre ny teniny ary mitandrina izany na mankato izany. Koa ankehitriny satria hitanao fa ny andro fahafito no andron'i Kristy, ny zavatra manaraka tokony hatao izany dia ny mitandrina izany ho an'i Jesosy.

Mampiasa sary/fanoharana, toe-jvatra nitranga, sy fitantarana avy amin'ny Baiboly ho an'ny fanapahan-kevitra.

1. Ny Baiboly dia manana sary/fanoharana marobe, sy toe-javatra nitranga ary fitantarana izay azo ampiasaina ho fototra ho an'ny antso mivantana mahery vaika ho an'ny olona liana izay manana/mandalo toe-javatra mitovy amin'ny fanandramana voalaza ao amin'ny Baiboly

.

## 2. Sary/fanoharana sasantsasany ny amin'io itsipika io:

- a. Ny Isiraelita niampita ny ony Jordana (Josoa 3). Ampiasao amin'ny olona izay mazoto hanomboka hitandrina ny Sabata raha toa Andriamanitra ka hanokatra ny lalana ao an-tokantranony na any amin'ny toeram-piasany

.

- b. Ireo olona anankiroa nanorina trano. (Liokae 6:46-49). Ampiasao ho an'ny olona izay manaiky fa marina ny Sabata, nefa tsy manao dingna hitandrina izany.

- c. Ilay zanaka adala. (Lioka 15). Ampiasao amin'ny olona naniasia izay mahatsapa fa lasa lavitra loatra ka tsy ho raisin'Andriamanitra.

## **Manaisotra ireo Sakana amin'ny Fanapahan-kevitra.**

A. “Fehezan-teny iray amin'ny Soratra Masina dia manana tombam-bidy lehibe lavitra noho ny iray alina amin'ny hevitra na fonjan-kevitr'olombelona.” 7T:71

B. Inona no azo atao raha toa ilay olona:

1. Tsy afaka manapa-kevitra na tsy hanapa-kevitra.

a. Tsy azo avela ho tafintohina na tsy ho azo hatonina intsony ilay olona.

b. Tsy maintsy tadidiansika fa fitaovana fotsiny ihany isika, ny Fanahy Masina no mitarika ny olona handray fanapahan-kevitra.

2. Tsy miraika na toa tsy manana faharesen-dahatra.

a. Tsy maintsy matotra isika ary manao antso avy amin'ny Soratra Masina ho amin'ny fanapahan-kevitra.

b. Rehefa tsy afaka mahazo valiny, dia apetraho eo am-pelatànan'ny Tompo.

3. Mahatsiaro ho manana ny fahamarinan'ny tenany ary miraharaha tsara ny mpifanolo-bodirindrina aminy.

a. Mampiasà indrindra indrindra antso avy amin'ny Soratra Masina, miandry ny valin-teniny alohan'ny hanohizanao.

b. Isaia 6:1-5; Romana 3:10; Romana 5:19.

4. Mihevitra fa tsy ilaina ny hikambana amin'ny fiangonana.

a. Ny zavatra nokendren'Andriamanitra tamin'ny nanorenany ny fiangonana teto an-tany.

(1) Heb. 12:23 – fivorian-dehibe – fiangonan'ny lahimatoa.

(2) 1 Tim. 3:15 – fiangonan'Andriamanitra velona. (andraikitry ny fiangonana ny hiaro ny fahamarinana).

(3) Malakia 3:10 – hitondra ny ampahafolony ao an-trano firaketana.

b. Tombon-tsoan'ny maha-mambran'ny fiangonana.

(1) 1 Kor. 1:2, 10 – mitondra ho amin'ny firaisana.

(2) 1 Kor. 11:18 – miresaka ny amin'ny fiarahana mankany ampiangonana.

- (3)Asa 12:1-5 – manamafy ny firaisana.
- (4)Efes. 1:22,23 – Kristy no Lohan’ny fiangonana. Kolosiana. 1:18
- (5)1 Kor. 12:18,25 – ny vatana/tena dia fitambaran’ny rantsana maro, izay mifampiankina
- (6)1 Kor. 12:12,13 – atao batisa ho amin’ny tena iray.
- (7)Marka 16:15, 16 – tena ilaina ny maha-mambra
- (8)Matio 18:17,18 – izay fehezintsika ety an-tany.
- (9) Jaona 15:4- Tomoera Amiko.
- (10) Apok. 22:16 - Jesosy miteny amin’ny fiangonana
- (11)Asa 2: 37.38.47 – nanampy ho isan’ny fiangonana isan’andro

### **Antso Efatra Fototra:**

- A. Soritsorito an-tsary ny fitiavan’Andriamanitra sy ny nahafatesan’i Kristy ho an’ilay olona. (Fitiavana) *Romana 5 : 6,7*
- B. Hizingizino ny herin’ny fanapahan-kevitra eo amin’ny havana sy ny namana. (Ohatra/modely) *Romana 14:7*
- C. Ataovy tafalentika ao an-tsaina fa sokajy roa ihany no hisy amin’ny fiafaran’izao tontolo izao – ny voavonjy sy ny very (Safidy – Fiainana sa Fahafatesana) *Matio 7:13,14*
- D. Asehoy ny loza ateraky ny fangatahan’andro sy ny fianteherana amin’ny fahafahana ho voavonjy. (Aza mangataka andro) *Matio 25: 10; 2 Kor. 6:2*

### **R. Miatrika ny Fanoherana amin’ny Andininy ao amin’ny Baiboly**

#### *1. Olana ara-toekarena (ara-bola) sy momba ny Sabata*

Matio 6:33	Katsaho aloha ny fanjakan’ny lanitra...
Salamo 37:3	Ho vokisany/fahanany hianao
Salamo 37:25	Ny marina tsy hangataka hanina
Marka 8:35, 36	Fa inona no soa azon’ny olona, raha mahazo izao tontolo izao aza
Filipiana 4:19	Andriamanitra hanome izay ilainareo
Deot. 28:1-6	Andriamanitra hitahy ny fiainanao
Deot. 8:18	Andriamanitra manome hery hahazoana harena

Isaia 58:13, 14

Ny Tompo no hanome hanina azy ireny

## *2. Fanerena ara-tsosialy sy faneren'ny fianakaviana*

Lioka 6:22

Sambatra hianareo raha halan'ny olona ka ariany

Matio 11, 12

Sambatra hianareo raha henjehina.

Matio 10:34-38

Ny ankohonan'ny olona ihany no fahavalony

Salamo 27:10

Raha mahafoy anao ny ray sy reninao, Jehovah kosa handray anao.

Hebreo 11 : 25

Mosesy nifidy ny fahoriana niaraka tamin'ny vahoakan' Andriamanitra

Jaona 15:19

Izaho no nifidy anareo, noho izany halan'izao tontolo izao hianareo

## *3. Fahasarotana eo amin'ny fankanesana amin'ny fiangonana marina*

Matio 24:1, 2

Jesosy nandao ny tempoliny jiosy.

Matio 16:18

Jesosy nanorina fiangonana vaovao.

2 Kor. 6:14, 18

Mivoaha eo aminy ka misaraha aminy

Apok. 18:4

Mivoaha eo aminy hianareo ry oloko

Jaona 10:16, 26,27

Jesosy miantso ny ondriny avy amin'ny andiany/vala hafa

Asa 2:47

Nanampin'ny Tompo ao amin'ny fiangonana ireo rehetra tokony ho voavonjy

Mika 2:10

Mitsangàna ka mialà fa tsy eto no fitsaharana ho anareo

## *4. Fahasarotana eo amin'ny fampiharana ny fampianarana*

Jaona 1:12

Jesosy hanome anao hery.

1 Petera 5:10

Jesosy no hahatanteraka anareo

Filipiana 1:6

Izay nanomboka asa tsara tao anatinareo no hahatanteraka izany mandra-pihavin'i Jesosy

Jaona 15:5

Raha misaraka Amiko hianareo dia tsy mahefa na inona na inona

Filipiana 4:13

Mahay ny zavatra rehetra aho ao amin'Ilay mampahery ahy

Matio 7:13, 14

Tery ny lalana mankany amin'ny fiainana mandrakizay

## *5. Tsy afaka miala amin'ny fihinanana henakisoa aho*

1 Korintiana 3:16-17

Tempolin' Andriamanitra ny tenanareo

1 Timoty 5:6

Izay manaram-po amin'ny fahafinaretana dia maty fahavelony

Jakoba 5:5

Velona amin'ny fahafinaretana ho amin'ny andro hamonoana

1 Jaona 2:15, 16

Aza tia izao tontolo izao

2 Korintiana 6:17,18

Mivoaha eo aminy, aza manendry izay zavatra tsy madio, ary Izaho handray anareo

Lioka 14:33

Izay tsy mahafoy izay rehetra ananany, dia tsy azo ekena ho mpianatro.

1 Korintiana 6:12, 13

Samy ho levonin' Andriamanitra ny hanina sy ny kibo

1 Korintiana 10:31

Ataovy ho voninahitr' Andriamanitra ny zavatra rehetra

1 Korintiana 8:13	Raha ny hanina no manafintohina dia tsy hihinan-kena aho mandrakizay
Filipiana 3:13, 14,17	Zavatra iray loha no ataoko, manadino izany rehetra izany
Matio 6:24	Tsy misy olona mahay manompo tompo roa
Mpitoriteny 2:1	Zava-poana ny fahafinaretana
Mpitoriteny 11:9	Mifalia dieny mbola tanora kanefa aoka ho tsaroanao fa ho tsarain' Andriamanitra amin'izany hianao
Salamo 16:11	Misy fifaliana/fahafinaretana ao amin'Andriamanitra

#### 6. *Mpihatsarivelatsihy ao am-piangonana*

Matio 13:24-30	(Fanoharana ny amin'ny vary sy tsimparifary) Ao amin'ny Fiangonana marin'Andriamanitra dia tsy olona tanteraka avokoa
Matio 25:1-13	(Ny virijina folo) Ny fiangonan'i Kristy dia ahitana kristiana tena mifandray marina tokoa sy tsy mifandray marina Aminy
Isaia 45:22	Mijere an'i Jesosy dia ho voavonjy
Hebreo 12:2	Mijery an'i Jesosy mpanefa ny finoantsika
Matio 7:1-5	Nahoana no mijery ny sombin-kazo eny amin'ny mason'ny rahalahinao?

#### 7. *Fahatsapana ho tena mpanota be*

Romana 3:23	Nanota avokoa ny rehetra
Isaia 44:22	Izaho efa nandevona ny fahadisoanao
Ohabolana 28:13	Izay mitsotra ka mahafofy no hahazo famindrampo
Isaia 1:16, 18, 20	Avia hifandahatra isika
1 Jaona 1:9	Jesosy hamela ny heloka ifonana rehetra
Hebreo 7:25	Jesosy afaka hamonjy antsika
Jaona 8:3, 10, 11	Jesosy namela an'i Maria Magdalena, "Mandehana ary aza manota intsony."

#### 8. *Tsy dia zava-dehibe ny fankanesana any am-piangonana. Azo ivavahana amin'ny fiangonana rehetra Andriamanitra*

Ohabolana 14:12	Misy lalana ataon'ny olona ho marina nefa fahafatesana no hiafarany
Matio 7:21,22	Tsy izay rehetra miantso ny anaran'i Jesosy no ho voavonjy avokoa
Matio 15:8,9	Foana no ivavahan'ireo Amiko
Apok 1:7-11	Miankohofa eo anatrehan'Izay nanao ny lanitra sy ny tany
Asa 5:29	Andriamanitra no tokony hekena mihoatra noho ny olona
Jakoba 4:17	Heloka ny fanohizana zavatra diso rehefa nahalala ny marina
2 Petera 2:20, 21	Tsara kokoa ho azy ireo ny tsy nahalala ny fahamarinana toy izay hiala amin'izany. Ny farany dia ratsy kokoa noho ny voalohany

#### 9. *Fanapahan-kevitra miankina amin'ny vady na ny raiamandreny*



Ezekiela 14:20	Ny famonjena dia fanapahan-kevitry ny isam-batan'olona. Ny raiamandreny dia tsy afaka mamonjy ny zanany.
Filipiana 2:12	Miasà ho amin'ny famonjena anareo
Matio 10:37-38	Izay tia ny rainy na ny reniny mihoatra noho ny fitiavana Ahy dia tsy mendrika ho Ahy

#### *10. Fanapahan-kevitra ho amin'ny batisa*

Asa 2:38	Mibebaha hianareo ary aoka hatao batisa hianareo tsirairay avy.
Asa 22:16	Inona no mihazona anao, mitsangàna ary aoka hatao batisa
Asa 16:30-33	Ilay mpiambina tranomaizina sy ny ankohonany dia natao batisa tamin'iny hariva iny.
Asa 8:38	Filipo nanao batisa an'ilay tandapa teny an-dàlana ho any Gaza.
Matio 22:14	Maro no antsoina fa vitsy no voafidy.
Jaona 15:16	Tsy hianareo no nifidy Ahy fa Izaho no nifidy anareo.
Deot. 30 : 19	Ataoko eo anoloanao ny fiainana sy ny fahafatesana, koa mifidiana ny fiainana
Josoa 24:15	Raha izaho sy ny ankohonako kosa dia hanompo an'i Jehovah izahay.
Marka 16:15, 16	Izay mino sy atao batisa no ho vonjena

#### *11. Vitsy ny mpino/mpivavaka*

Lioka 12:32	Aza matahotra ry ondry vitsy
Matio 22:14	Maro no antsoina fa vitsy no voafidy
Matio 7:13, 14	Vitsy ihany no hiditra ny vavahadin'ny fiainana mandrakizay.

#### *12. Matahotra aho*

Isaia 41:10	Aza matahotra fa momba anao Aho.
Matio 28:19,20	Momba anareo Aho ambara-pahatongan'ny fahataperan'izao tontolo izao
Matio 10:32,33	Na zovy na zovy no manaiky Ahy eo imason'ny olona dia mba hekeko eo anatrehan'Andriamanitra any an-danitra

#### *13. Tsy ny olon-kendry/manan-pahaizana rehetra no ao am-piangonana*

1 Korintiana 1:27	Andriamanitra efa nifidy ny malemy mba hampahamenatra ny hendry
-------------------	---

#### *14. Tsy misy olona afaka hitandrina ny lalàna*

Genesisy 26:5	Abrahama nitandrina ny didiko
Genesisy 5:24	Enoka niara-nandeha tamin'Andriamanitra
Genesisy 5:29	Noa dia hita fa marina teo amin'ny mpiara-belona taminy
2 Jaona 6	Ny mandeha miaraka amin'Andriamanitra dia mandeha araka ny

Daniela 6:4,5,10,11	didiny
Matio 19:16	Tsy nahita fahadisoana tamin'i Daniela izy ireo (Jesosy) Raha te-hiditra any amin'ny fiainana dia tandremo ny didy
1 Jaona 3:4	Ny ota no fandikana ny lalàna
Apok 21:8	Ny mpandika lalàna dia hatsipy ao anaty farihy afo
Salamo 119:60	Mandeha faingana aho ka tsy mitaredretra amin'ny fitandremana ny didinao
1 Jaona 5:3	Tsy mavesatra ny didiny

#### *15. Tsy afaka mitandrina ny Sabata*

Jaona 14:15	Raha tia Ahy hianareo dia hitandrina ny didiko
Isaia 56:2	Sambatra ny olona izay mitandrina ny Sabata
Isaia 58:13,14	Misy fitahiana ampanantenaina amin'ny fitandremanana ny Sabata
Hebreo 5:9	Kristy no tompon'ny famonjena ho an'izay mankato Azy
Isaia 56: 5,6	Andriamanitra hanome anarana mandrakizay ho an'ireo izay mitandrina ny Sabata
Apok 14:12	Ny olo-masina dia mpitandrina ny lalàna
2 Petera 2:20. 21	Tsara kokoa ho azy ireo ny tsy nahalala ny fahamarinana.
Jakoba 4 : 17	Ota ny tsy fanaovana soa / ny marina
Ezekiela 46:3	Ny olona hivavaka amin'ny andro Sabata
Romana 12:1,2	Atolory ny tenanareo ho fanatitra velona, fa fanompoam-panahy mety hatonareo izany

#### *16. Tsy ankehitriny fa angamba amin'ny fotoana hafa*

1 Mpanj 18:21	Mandra-pahoviana no hiroaroa saina hianareo
Asa 22:16	Mitsangàna ary aoka hatao batisa
Hebreo 4:7	Aza manamafy ny fonareo
Efesiana 4:30	Aza mampalahelo ny Fanahy Masina
Hebreo 6:4-6	Izay efa nahalala nefa mihemotra dia manombo indray an'i Kristy
Salamo 119:60	Mandeha faingana aho ka tsy mitaredretra amin'ny fitandremana ny didinao

#### *17. “Tsy dia hoe tena olon-dratsy aho”*

Jakoba 2:10	Diso amin'ny didy iray dia diso amin'izy rehetra
Lioka 16:15	Hianareo dia manamarin-tena nefa Andriamanitra mahalala ny fonareo

#### *18. Fitiavana Andriamanitra ka tsy handringana ahy.*

Isaia 1:16-20